


Efterskolernerit 2018-2019

Efterskolini aallartittut pingajorarterutaat Kaalaallit Nunaanniipput
Ukiumi atuarfiusumi 2018/19-imi Kalaallit Nunaanni Danmarkimiluunniit efterskolernermik aallartitsisimasut 443-usimapput, ukiup siuliani 451-iusimasut. Efterskolernermik aallartitsisimasut pingajorarterutaat Kalaallit Nunaanniipput.

Titartagaq 1. 2011/12-miit 2018/19-imut efterskolernerit aallartinneqartut amerlassusaat, atuarfik malillugu



Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESF>).

Efterskole Villads Villadsen-i atuartunut 80-inut inissaateqartoq Maniitsumi Efterskoli atuartunut 70-inut inissaateqarpoq. Atuartulli efterskolini aallartittut amerlassusaat inissaqartitsinermit amerlanerusinnaapput, unitsitsisoqartillugu atuartut nutaat aallartissinnaasarmata.

2018/19-imi Kalaallit Nunaanni efterskolernerit aallartinneqartut amerlassusaat ukiup siuliani aallartittut amerlaqqatigiinnarpaat, Efterskole Villads Villadsen-imi 77-it aallartissimallutik, Maniitsumi Efterskolimi 76-it aallartittut. Qallunaat efterskoliini aallartittut ukiup siulianut sanilliullugit 9-nik ikileriarsimapput.


Villads Villadsen-ip Efterskoliani aallartittut amerlassusaat 2013/14-imi amerlanerpaasimapput. Ukioq taanna atuartut 93-it aallartissimapput. Maniitsup Efterskoliani aallartittut amerlassusaat 2014/15-imi amerlanerpaasimapput, ukioq taanna 79-it aallartissimallutik.

Efterskolernermik aallartitsisut amerlasuut inuusunnerusut

Amerlanerpaat ukiumi 16-inik ukioqalerfimminni efterskolernermik aallartitsisarput, amerlasuullu meeqqat atuarfianni naammasserlaajusarlutik. Ukiumi atuarfiusumi 2018/19-imi atualertut 81 pct.-ii ukiumi 16-iliiffimminni aallartissimasut 8 pct.-ii inuusunnerupput. Taamaallaat Danmarkimi inuusuttut 16-it inorlugit ukiullit efterskolernermik aallartitsisinnaapput.

16-inik ukioqalereersimallutik efterskolernermik aallartitsisartut amerlassusaat 2016/17-imi 20 pct.-inik appariarsimasut 2018/19-imi 11 pct.-inik appariarput.

Titartagaq 2. 2011/12-miit 2018/19-imut efterskolernerit aallartinneqartut, ukiut malillugit



Nalunaarut: Ukiup pineqartup naanerani atuartut ukiui malillugit naatsorsuisoqarpoq.

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESA>).

Efterskolernerit sisamaagaangata pingasut naammassineqartarput


Ukiumi atuarfiusumi 2018/19-imi atuartut 355-iusut efterskolernermik naammassinnissimapput, aallartitsisimasullu 80 pct.-iinik amerlassuseqarput. Ukiup siulianut sanilliullugu tamanna 2 pct.-inik siuariarneruvoq.

Efterskole Villads Villadsen-imi naammassinnittarnermut procenti ukiuni kingullerni marlunni qaffassimavoq, ukiumilu atuarfiusumi 2018/19-imi 79 pct.-inik annertussuseqarpoq. Ukiuni tulleriinni arlalinni naammassinnittarnermut procenti appasittarsimagaluarpoq, 2016/17-imiilu 55 pct.-imiilluni appasinnerpaasimalluni.

Maniitsumi Efterskoli-mi atuartut 65 pct.-iisa efterskolernitik naammassimavaat. 2013/14-imi Maniitsumi Efterskoli-mi naammassinnittarnermut procenti 48 pct.-imiilluni appasinnerpaasimavoq, taamanerniilli 17 pct.-inik qaffassimalluni.

Kalaallit Nunaanni efterskolinut sanilliullugit qallunaat efterskolii qaffasinnerusumik naammassinnittarnermut procenteqarput, naammassinnittarnermullu procenti 2018/19-imi 85 pct.-iuvoq.

Titartagaq 3. 2011/12-miit 2018/19-imut naammassinnittarnermut procenti, efterskolit malillugit




Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESF>).

Ukioqatigiinni pingasunit amerlanerusut efterskolernermik aallartitsisarput

Ataani takuneqarsinnaapput 1996-imiit 2001-imut ukioqatigiiaat, ukiuni atuarfiusuni 2010/11-mi kiisalu 2018/19-imi efterskolernernik aallartitsisimasut naammassinnissimasullu.

Titartagaq 4. Ukioqatigiinni efterskolernermik aallartitsisimasut/naammassinnissimasut amerlassusaat, 1996-imiit 2002-mut ukioqatigiit malillugit



Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESE>).

Inuusuttut 2001-imi inunnorsimasut affangajai (46 pct.-it) efterskolernermik aallartitsisimapput, 36 pct.-iilu efterskolernermik naammassinnissimallutik. Siuliini ukioqatigiit marluk amerlaqatigaat. Ukioqatigiinni inuit amerlassusaat 1996-imi 909-miit 2001-imi 817-inut ikileriarsimapput.

Eqikkaaneq

Tabel 1. 2011/12-imiit 2018/19-imut efterskolernerit amerlassusaat, atuarfintut killiffinnullu agguaallugit

	2011/12	2012/13	2013/14	2014/15	2015/16	2016/17	2017/18	2018/19
Efterskole Villads Villadsen								
Unitsitsinerit	14	18	33	22	32	40	32	16
Naammassinninnerit	68	70	60	66	54	48	45	61
Aallartitsinerit	82	88	93	88	86	88	77	77
Maniitsumi Efterskoli								
Unitsitsinerit	26	34	35	29	24	20	20	27
Naammassinninnerit	46	35	32	50	50	58	55	49
Aallartitsinerit	75	69	97	79	74	78	75	76
Qallunaat efterskolii								
Unitsitsinerit	24	25	54	56	51	46	47	45
Naammassinninnerit	235	257	253	226	214	225	252	245
Aallartitsinerit	259	282	307	282	265	271	299	290
Katillugit								
Unitsitsinerit	67	77	122	107	107	106	99	88
Naammassinninnerit	349	362	345	342	318	331	352	355
Aallartitsinerit	146	439	467	449	425	437	451	443

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESF>).

Tabel 1. Efterskolernernik aallartitsisimasut/naammassinnissimasut amerlassusaat, ukioq inunngorfik malillugu; 1996-imiit 2001-imut inunngortut

	1996	1997	1998	1999	2000	2001
Ukioqatigiinni katillugit	909	975	849	813	803	817
Efterskolernerit aallartinneqartut	421	413	405	374	390	376
Efterskolernerit naammassineqartut	331	312	313	295	297	297

Najoqqutaq: Naatsorsueqqissaartarfik- kisitsisaataasivimmi kisitsisit takukkit (<http://bank.stat.gl/UDNESE>).

Periaaseq

Nalunaarsuutit tunngaviusut

Nalunaarsuutit najoqqutaralugit atorneqartut tassaapput:

- Ilinniartitaanermut Naalakkersuisoqarfiup Kalaallit Nunaanni efterskolini atuartunut nalunaarsuiffia.
- Oqaasileriffiup Danmarkimi efterskolini atuartunut nalunaarsuiffia.
- Naatsorsueqqissaartarfiup innuttaasunut nalunaarsuiffia.

Kalaallit Nunaanni efterskolit aallarnisarneqalerneranniilli nalunaarsuutit nassaassaapput. Efterskole Villads Villadsen ukiumi atuarfusumi 2009/2010-

mi ammarneqarpoq Maniitsumilu Efterskoli ukiumi atuarfiusumi 2011/2012-imi ammarneqarluni. Ukioq atuarfiusoq 2010/2011 sioqqullugu qallunaat efterskoliini naammassinninnerit unitsitsinerillu nalunaarsuuteqanngillat, taamaattumik qallunaat atuarfiini efterskolernernut naatsorsuutit ukiumi pineqartumi aallartipput.

Periaaseq

Efterskolernernut nalunaarsuutit naleqquttut ukiumi atuarfiusumi aallartitsinerit, unitsitsinerit naammassinninnerillu malillugit immikkoortiterneqarput. Ukiumi atuarfiusumi ataatsimi atuatoq ataatsimit amerlanerusunik efterskolernernik ingerlatsisimasutut allaqqasinnaavoq, unitsitserernerme efterskolimi allami aallartitseqqissimaguni.

Atuartut ukiui ukiup pineqartup naanerani naatsorsorneqarput, 16-illu inorlugit ukiulinnut, 16-inik ukiulinnut, 17-inik ukiulinnut kiisalu 17-ileereersimasunut immikkoortiterneqarlutik.

Naatsorsueqqissaartarfiup innuttaasunut nalunaarsuisarfiani atualinnginnermi illoqarfik nalunaarsorneqarsimasoq kingulleq atorlugu atuartut illoqarfinnut atassuserneqarput. Atuartut atualinnginnermi innuttaasunut nalunaarsuisarfimmi nassaarineqanngitsut kalaallit efterskoliinut imaluunniit qallunaat efterskoliini atuartuuppata paasisutissaqanngitsutut nalunaarsorneqarput.

Atuartut efterskolernernik aallartitsisimasut ukioqatigiinni inuit amerlassusaannut naleqqiullugit aamma naatsorsorneqarput. Ukioqatigiit innuttaasunut nalunaarsuisarfimmi ukioq 14-inik ukioqalerfiat malillugu naatsorsorneqarput. Efterskolini atuartut nukarlarsaat ukiumi 15-inik ukioqalerfimminni aallartittarnerannik aammalu efterskolini atuartut Kalaallit Nunaatalu avataani ilinniartut innuttaasunut nalunaarsuisarfimmi allaqqannginnerinik tamanna peqquteqarpoq.

Naatsorsuineq

Atuartut ukiup atuarfiusup naanerani killiffiat, ukioq atuarfiusoq, efterskoli, suaassusseq, ukiut aammalu illoqarfik malillugit agguanneqarput.

Taamatullu ukioqatigiinni atuartut efterskolernernik aallartitsisimasut/naammassinnissimasut amerlassusaat naatsorsorneqarput.

Killiliinerit erseqqissagassallu

Atuatoq ukiup atuarfiusup ataatsip iluani ataatsimit amerlanerusunit efterskolernernik ingerlatsisimasutut allaqqasinnaavoq, unitsitserernerup kingorna efterskolimi allami aallaartitseqqissimaguni.

Kisitsisaataasivimmi ukioqatigiit malillugit kisitsisit naatsorsukkat ukiut tamaasa allanngortassapput, ukioqatigiinni suli amerlanerusut kingusinnerusukkat efterskolernernik aallartitsisimappata.

Signatur forklaring:

- ... Oplysninger foreligger ikke
- .. Oplysninger for usikre til at angives eller diskretionshensyn
- . Tal kan efter sagens natur ikke forekomme
- 0 Mindre end halvdelen af den anvendte enhed
- Nul
- * Foreløbigt eller anslået tal

Saaffiginniffissaq

Emil Malta

E-mail: emim@stat.gl

Ilinniartitaaneq

Grønlands Statistik
Postboks 1025 · 3900 Nuuk
Tlf.: +299 34 57 70 · Fax: +299 34 57 90
www.stat.gl · e-mail: stat@stat.gl

